


馬邊廳志畧

地 280.193
135
部 1-6



歸陽歸正

板存圖書館

中國圖書館
經濟學部
藏



緜陽縣志序

中國書局
發行

緜爲直隸州轄德安緜梓羅五縣舊志合五縣爲一書民國二年改州爲縣定名緜陽雖司五縣初級第二審之權而行政系統不相隸屬縣自爲縣矣邦人士以縣制既定舊緜州志非一縣之專籍且州志久待續思有以改弦更張之此緜陽縣志之所由作也洎民國八年編纂議決設修志局於縣議會聘陳進士漳任纂修崔教諭映棠爲協修以是年五月開局知事梁兆麒亦蒞局倡導志體目錄於焉畧定適縣議會與纂修意見相左陳君意沮遂未到局其後兩年間防軍迭更知事六易文獻事益不能舉矣民國十年陳纂修病歿知事張瑤從縣議會之請以協修

緜陽縣志

卷首序

崔君任纂修主持局務崔君獨任艱鉅在局兩年編纂初稿將半猶慮曠日持久自願回家纂輯弁以純盡義務一年畢事爲約議者稱之殊川戰迭起軍人佔其書室致編輯無多復值知事李楫蒞任縣議會咨縣索取志稿立言不符事實崔君痛之遂盡交各稿而辭卸纂修之任縣志因以中停勢將絕望焉十九年春縣長袁鈞方議經修旋卽去任余於是年四月奉命宰緜亟思完成此作聘崔君爲總纂主其事崔君有難色余登門敦促者再弁以分職爲約崔君允之乃設修志局於南鄉公所余自兼局長崔君任副局長兼總纂聘劉清鈺楊煒顏三益張映奎爲分纂廖洪義同紹釗謝德昭陳汝杭周樹森爲中東南西北

五區採訪更以史之良崔定昌分任文書庶務諸事責有專屬各展其能于是整理舊稿採輯新篇自二十年一月舉辦二十二年三月歲事全書遂以告成除序列姓氏圖考目錄外計分十類曰疆域曰建置曰食貨曰職官曰文學曰武事曰人物曰選舉曰藝文曰雜異析其目凡六十餘條附屬之古事由漢迄清近事由清同治十二年迄民國二十一年爲斷凡鈔板四百一十有畸成頁可八百二十有畸今而後可以慰邦人士十五年來渴望縣志之心矣夫一縣之有志猶一國之有史也國史志一國文化政治之興衰隆替以供留心世道人心者考鏡之資縣志亦如之余宰縣三年對於獄政交通教育團務市政水利戶

籍釐稅諸大端均畧有所建樹以期符興利除弊之風志惟於文獻一端宛如闕如私心愧焉茲編旣成庶可稍減悔吝矣剗刷甫竣爲述崖畧補遺續新是所望於來者中華民國二十二年四月元日縣長蒲殿欽序於縣陽縣府西廳

原序

緜州志序

張漢

左緜爲三蜀要郡有明之季遭寇變而文獻無徵予嘗道過緜州一覽風土之勝今年秋復自巴溯緜寓處廿有餘日索覽州志知州事屠益受曰無所謂州志也近方摭拾殘書購求軼事創爲草具正冀裁訂乞冠以序而梓之益受辛丑成進士薦出予門同官史署嗣出典禹州今典緜州表章人物紀載山川猶然舊史之意往予河南郡志以謂在一郡則書一郡亦史氏之職益受意亦云爾考緜舊志緜爲四塞之郡山形如斗襟帶三川又涪水與安水交流合抱如巴字每江漲登高望之點畫惟肖以是風土之勝又經聖天子倚注維殷雖越在荒服大有柔遠之意喚而字之緜將大有人焉復出其地履斯任者可任其抱殘守缺畧不一爲表章以昭盛世同文之治乎予籍本巴人巴與緜接壤伊邇亦先世鄰好之誼予經其地與采風謠纂排遺乘尤有淵源之思焉至益受近承優旨矢圖報稱修廢舉墜不遺餘力新政率有可紀者茲尙未暇紀以自侈也賜士出身翰林院檢討石屏張漢月槎父題

緜州志序

屠用謙

用謙不文曾叨史署天子新嗣位擇詞臣尤曉吏事者俾出試州郡謙與選焉先典河南禹州以憂歸復有緜之役

天子謂縣爲蜀中要都乃降優旨特簡知州事倚任甚渥
銜命而前且漸且懼黽勉從事報稱有日比至縣而州不
免凋敝故明以來昔日都邑人民之盛至今未及全復宜
天子西顧柔遠之仁真無遠而不屆也改暇索州志考稽
山川人物以便吏治州志竟缺文獻渺然謙乃苦心購索
得什一於千伯從斷簡殘編摭拾遺事復纂輯成書區爲
六册凡閱五月而工竟付之梓人實創草具未暇精詳嗣
加潤飾則待後博物之君子焉謙惟古者問俗採風天子
命輶軒之使巡行邦國陳詩納賈太史氏之職也謙叨舊
史雖他郡殊邑猶且采訪民風以志同文之盛况承乏此
地在吾職掌之域可任其荒畧而不問耶州志成謙幸得

緜陽縣志

卷一 序

二

備一方之文獻亦所以昭舊職也於是書其事於簡端時
乾隆元年丙辰桂月望五日賜同進士出身翰林院庶吉
士特簡四川直隸緜州知州加三級紀錄三次孝感屠用
謙畏菴氏撰於左緜六一堂

緜州志後序

屠用謙

昔朱子守南康未視事首詢圖志識者以爲得大體予下
車之初登六一堂知縣雖敝陋乃歐陽文忠公父子政事
文章藪也况代有傳人科名宦業炳炳烺烺哉因竊取朱
子之意索一披覽書缺有間矣維時紛拏簿領張弛化琴
補過未遑究鮮分寸清陰肆力鉛槧然其心實惓惓焉顧
予楚人也走數千里外毫無依據輒欲效秦漢以下人說

秦漢以上事雖搜羅罔軼則亦耳治焉已矣其能面稽石
鷓於晉宋親察眉足於堯夔乎然而志以傳信不以傳疑
用是摩抄斷碣涉獵殘篇哀諸士夫剝蝕之餘證諸父老
傳聞之口夏五郭公殊多參互魯魚帝虎頗費校讐其可
知者錄之不可知者闕之則又操觚者所無如何也須梓
人工竣予雖得之塵牘餘閒未能踵事增華然其畧則有
可質言者是書也左縣列於前五邑尾其後以次相及魚
鱗櫛比便寓目焉厥類有四一曰考詳本末也二曰表紀
姓氏也三曰傳徵獻也四曰編昭文也四類之中分爲綱
目綱統乎目目統乎凡計爲綱十有九冠以小序從詩體
也爲目百有九標以特書尊史例也冊凡六板凡四百一
十有二字凡十三萬八千五百有奇費凡百四十金勒成
一帙而曩者惓惓之心或可以少釋此予修輯之大畧也
嗣籍而記之閣而度之仍僉老成吏人掌其鍵勿令散佚
勿擅減增勿俾風雨漂搖勿爲蟲鼠蠹齧後之登斯堂者
如考亭氏先務急取之柱下有藏板焉其亦鑒予草創苦
心乎乾隆三年三月孝感屠用謙後序

絳州志序

李在文

在文幼從先大夫官白下取大江南北風土人物志編讀
之而知範風俗以存典型外史之職與柱下表裏而兼擅
才學識之長者實未易數覲其人長與程漁門魯二菴諸
君子以十五國之風詩相切劇唱酬間作取適性情冀或

備他時輜軒之採不意阿好者竟爲收入熙朝雅頌集中雖詩以言志不過志一時之感觸記胸臆所欲言於經世服物毫無關會自媿壯夫不爲也嗣筮仕入川剽劇邑參戎行匆匆幾二十年填委簿書卒未能搦管濡毫一抒其觀風問俗之素志恆歉歉焉庚午夏來刺涿州諮諏利弊矯枉扶偏不期年人事寧息年物豐和竊喜有著書歲月而時適奉文有纂修州志之舉志創於乾隆元年前州牧屠畏菴用謙至今七十餘年矣移州復州事關典制中間教匪蹂躪修復城隍及祠廟官廨諸工役具見州民急公之忱益徵聖澤涵濡之厚且當匪徒狼奔豕突之時民間忠烈士女捐軀授命視死如歸恐其歷久就湮姓氏與草

涿陽縣志

卷一

序

四

木同腐更不可不急加採錄爲末俗風一時四鄉紳民間風興起稟請捐俸工費謹依提調省志局憲刊發條式編成志稿五十四門門列一卷較屠志篇幅加倍蓋依例重修非續纂比也時桐城潘甫之監州主講左涿州紳孫貞堂觀察家居多暇竝延主局暨分纂孝廉明經五人考取膳錄生員文章十名採訪生員四鄉共十六人徵文考獻共襄盛舉凡九閱月而稿成竊惟士生於縣以著述科名顯者如李譔大白鄧文原于環劉際蘇易簡以下無慮數十人流寓如揚雄杜甫王勃魏了翁等所撰著不下千百萬言州守如樊紹述鮮于侁唐庚李藝輩文章政事照耀簡編更難更僕數蓋文章必得於山水之助而左涿接閣

道之雄奇泛緋江之華艷其相長爲較深也在文備官右
文盛世重以省憲勤諮又得諸君及山水之助於紹述諸
賢卽有未逮而蒐羅逸佚考證見聞去取從違慎益加慎
或亦畏菴氏所樂引爲同調者脫稿甫半在文適奉守夔
之命未能聿觀厥成是所望於後來君子宏茲遠謨更加
裁訂與二三同志共成其美也嘉慶十七年壬申八月中
秋日陞任夔州府知府涪州直隸州知州長白李在文序

涪州志序

俞廷樟

壬申九月予代篠園來守巴西自士習民風農田水利以
及簿書錢穀期會靡不咨詢因革以要其事之終始而定
從違既又以其未畢之志稿日夜搜討參互考訂五閱月
涪陽縣志

卷一 序

五

削稿甫就弁言於首竊維古人著述待於若刪若補若訂
相得而益彰者如元李好文以至正四年再任陝西行臺
治書侍御史取呂大防故圖刪除訛駁更爲圖二十有二
宋宋祁知益州因沈立劍南方物畧補其闕遺共得五十
六種各爲圖而系以贊併注其形狀於後爲益部方物畧
記一卷明王鏊與杜敷祝先明蔡羽文徵明等取吳寬張
習都穆未成之藁因其凡例共相釐定爲姑蘇志六十卷
非不煇煇炳炳卓然成一家言以輝映於後先然當其過
往續來或數十年而遇或百餘年而遇或異代而始一遇
嗚呼何其難也今篠園區區一志以夙昔之願應大憲之
徵聚一時之文獻閱九月未底於成適當守夔而予代其

後二憲又寬假以成書之期巴東西屬耳目焉篠園得親見志草之成也以視古人異代相須者何似篠園不其幸也乎哉予自維入峽來所至多名勝之區往往作爲詩歌以紀其盛故初守臨邛登相如之臺訪魏鶴山遺跡想見其流風餘韻再守眉州過蘇氏紗縠行瑞蓮亭墓頤觀老人泉諸勝地畢然於文章氣節會萃一門今權縣州乃更得寓歐公六一堂研丹握管與縣之先賢尹默李讓李白劉暎蘇易簡蘇舜欽鄧文原金獻民諸公相尙友蓋不獨篠園之幸而予亦與有幸焉甫下車卽嘗審視縣之利弊損益於其間暇復與潘甫之監州孫卣堂觀察等上下其議論若刪若補若訂雖不敢自埒古人亦庶幾范石湖胡縣陽縣志

卷一

序

六

長文二公相繼帥蜀集爲丙丁記之意也此尤子之幸也夫賜進士出身署縣州直隸州知州候補直隸州餘杭俞廷樟序

縣州志序

范紹泗

癸酉歲仲秋余奉命來守是邦下車伊始紳士等呈州志藁請鑒政初大府具奏請續修四川全省通志檄行各郡縣稽舊乘訪潛德編輯成書齋省備纂時前刺史李篠園公承檄經始延食古通經者採輯自壬申三月至九月削藁甫半卽遷秩雲安刺史俞春岑公繼某事注意趣之又閱半載屆限已迫催急費靡草草成書三分送省局彙修一分存州公餘披覽其中分門別類沿革建置援據舊聞

博採時事體律不無參差慮難以信今而傳後乘隙卽爲
點定宵分不遑間與一二秉筆諸君參互考証迺萃上下
數千百年土地人民政事之掌故兼綜而條分縷晰惟在
簡而該括而不遺詎敢擬於陳壽李膺常璩張唐英諸前
輩之創作迭起後升菴玉壘方洲三太史之續修稱善而
汰華存實要無失善善從長之意獨念以前人創始之難
事經數十年而一遇時會遷延遲逾歲月工費旣乏仰屋
徒嗟志已修而不刻不與不修同歟故夫事以有待而行
則程功不速功必專歸於已則集事恆難以地方繁重盛
事官不能獨舉與士民共籌而未集則官不得不力任之
惟余莅縣五閱月耳徒以士民望志之切亟酌捐廉俸爲

緜陽縣志

卷一

序

七

好義倡適有力者共伙厥成不數月而釐定付剗哀然成
帙不將與天府大郡同炳國書以上昭聖天子一統同文
之治耶余雖不敢自以爲功而自維區區任事之心皇然
如不及待故偶獲有濟耳且是書創於篠園李公繼以春
岑俞公值余編次剗劂而落成時則受余代之黃璞齋刺
史也謂是李與俞之成是書也可謂是余四人之成是書
也可謂是與闔州人士共襄其成也亦可北上戒行聊弁
數語於簡端并以質同官莅事諸君子焉嘉慶十有九年
甲戌仲春月奉政大夫緜州直隸州知州馮翊范紹泗金
泉氏撰

重修緜州志序

文 榮

世謂志乘之書與國史同非也史簡而文博而約志則洪
纖悉備凡夫城邑河渠政刑賦稅以及文物技藝下至匹
夫匹婦苟於忠孝節義有一事之可傳者無不輯而存之
此體例也緜州直隸州控山川形勢之勝爲省門藩蔽歷
代重之其志書創於乾隆元年屠君畏庵至嘉慶十七年
族伯祖篠園公奉文續纂時三省教匪滋事後武功頗著
搜羅軼事共分五十四門燦若列眉觀者咸稱大備逮道
光十餘年間先大夫兩權州篆以教養爲務政成化洽民
思之不能忘記主於祠暨碑於道迄今過城西及州北門
慨然猶想見先人之遺澤焉嘗謂榮任京秩時襄史局遼
金元三史成敘官入蜀擬將州志復從而蒐輯之視事未
緜陽縣志

卷一

序

八

久奉檄去有志終未逮也咸豐十一年榮適陞守是州下
車伊始與之相接綢繆道故感慨係之城外廬舍田
園悉成灰燼瘡之目風景淒然大非昔年隨任時殷繁
氣象又惻然心憫者久之因辦理善後事宜於利弊之所
當興廢者咸整理之而死綏之士與夫從容就義之徒正
欲採訪姓名以垂不朽而適奉大憲纂修州志之命蓋自
我篠園公至今又閱五十餘年矣其間城邑溝渠之變遷
人物市鎮之陵替征徭團練之並作津貼捐輸之繼行皆
舊志所未列也矧滇逆藍大順以數十萬之眾圍困州城
登陴一望附郭百餘里烽火彤天而民之喪亡枕藉効死
不去者蓋亦知緜爲涪地自古巴蜀用兵之際未有不力

爭此郡以窺伺錦城者也藍逆欲攻省而深慮縣人之躡
其後擬先取之以爲基殊不知沐浴聖化父詔兄勉各以
忠義相勗膏血塗原野骸骨填溝壑外援至而內應出來
攻殲賊其保守我州城者卽其捍衛我省城者也若不急
取而表彰之俾死事者或至姓名有湮沒之虞不特州民
之憾抑亦守土者之羞歟槩不敏未獲如先大夫躬隲昇
平得以孝弟力田與閭閻敦古處而適值兵燹之餘與先
伯祖之續修州志於教匪旣平之後情相似迹相類也一
州世守固再傳而撫我斯民當修輯是編槩敢不其詳其
慎以備輶軒之採擇乎爰爲之序

凡例

一 繇陽縣志因縣綱變更奉令改修體本屬乎創而要不能不就舊志記載兼收備存則事亦本乎因查前志體例與楊蓉裳部郎所修四川省志如出一轍則以通遵憲頒程式故也茲續修標示舉段楸堂大令富順志爲準讀其文體洵如陳壽三國志高簡有法而其類例則仿文獻通考依次列目倘尺寸而墨守之與守科舉之程式何異因取他志之善者亦酌爲變通絕不參以私臆若謂後人作志往往喜炫已長故反前轍則吾豈敢一舊繇州志統括五縣今易州爲縣於轄屬例從刪削於清初原隸之彰明更無庸牽合以明界率而事蹟文篇繇陽縣志

卷一

疆域

凡例

一

八〇八

有關於繇陽者亦得採入

一 舊志弁首以星野度屬觜星案史記天官書固有以十二舍主十二州之語漢書天文志卽云觜觿參益州文獻通考以自畢至東井魏之分野屬益州河圖括地象以岷山之精上爲井絡明天文志則直以繇州屬觜分夫分野限以十二州於義甚狹古人已多議之故前史譏祥多不應驗又推測互異洪容齋亦斥其謬亂辨論轉覺辭費不如逕付闕如

一 志有今昔異情者如宸翰類今亦間載入藝文而其他之屯田土司木政古帝王陵墓等類爲縣地所無者若列其目而注以闕轉屬無謂今查無其事者去之或其

事文可存而不當列專條者則附入他條不設虛目
一圖績之學今勝於古縣州輿圖襲一統志舊式於方里
表尺南北經緯山川原委形勢險危悉少標識覽者病
焉今除舊定全境疆域圖外加現測全縣交通圖縣政
府新建全圖舊文廟圖城隍街道圖新建公園圖縣城山
水風景圖附舊城經水沖刷圖悉績之取便觀覽

一疆域建置爲方志最要凡地望之東西封域之廣袤名
稱之紛歧爲披覽者所注重今依富順志犍爲志首紀
疆域建置應附屬者類從餘亦各分條目若綱綱之貫
弗漢書藝文志杜佑通典皆此例也次食貨次職官次
文學次武事次選舉次人物次藝文次雜異志總以十

縣陽縣志

卷一

疆域

凡例

二

列目六十有畸不名次第煩而不整之弊庶或可免

一漢書食貨志卽史記平準書於賦稅錢幣鹽鐵均輸俱
入焉今之權稅名繁於古自可依類附列而戶口物產
食貨所關亦準平準書之義歸入其農商實業之有裨
地利者亦附此類

一史漢於諸侯功臣人物均綜列一表顧亭林氏謂功臣
表著者旣系之以傳此外無積勞亦無顯過傳之不可
勝書而跡要不容以遽泯則於表乎載之舊志職官列
表政績分志卽本此意惟於蔣琬姜維以大司馬屯涪
楊懷高沛係白水軍督卽楊乾運宋可思鄭剛中均非
蒞治專官旣不應列表登載今身編年例而爲直書以

節省篇幅其不專治於縣者別錄之於前代金石所有
舊志所無者與增列之其政績昭著不容泯沒者卽綜
括紀之不更列表

一古者教士釋奠皆於學宮學宮卽庠序之易名唐初尊
孔子爲先聖詔天下州縣別立專廟以示尊崇宋更別
立書院以課士教官山長遂離爲二今俱列學校類從
其朔也改革後教育普及學校之設旣多則列表明之
其學款有羸縮與各地之更易悉分注以資考覈且以
章古今無廢學之政

一我縣人士其流風餘韻炳耀方策者代有其人常志於
蜀郡人物稱述惟恐或遺其表章文獻之意至篤也今

緜陽縣志

卷一 疆域

凡例

三

× 81

之視昔縱難企及語云十步之內必有芳草但使內行
比於姜龐清操伴於杜尹凡有裨於風教者雖弗通顯
靡不甄錄及之惟於善從長之中仍守名器不假之義
一史家紀人物多撰列傳常道將改稱士女志則省繁詞
而歸簡括其體例可師惟舊志於前代名宦文苑皆畧
紀梗槩而忠孝節義強半只記名事良由據公牘彙報
之文旣無宏義闡揚後作者愈難追溯則彙表存之至
耆壽舊入祥異者今皆併入人物橫列如表無關穢祥
一漢志藝文隋志經籍裒集一篇不分爲二縣陽地限偏
隅向乏鴻編鉅冊必準七略分編難言大備但得隻鱗
片羽苟有可觀皆可以錄今仍仿范成大吳郡志分綴

記序詞翰於各門各條之後此外各編於人與地之無可附麗者則條列藝文志內而典籍之稿有著錄者無論已刊未刊第存其書目卷數洪纖畢載故兼取兩志之名而部次畧異其金石之足資考鏡者卽附此類

一 縣地當西北衝要有事秦隴卽爲兵戈輻輳之區故自蜀漢以迄五季傳烽轉饑殆無寧歲所處形勢然也舊志博徵史傳於歷代征戰事蹟蒐採頗富而於稗官野史擯而未書茲於明季張李之芟夷清冉藍李賴之掃滅悉關地方之治亂亦徵將帥之勲烈覲縷補登庶於運籌決勝得資考鏡

縣陽縣志

卷一

疆域

凡例

四

×111

一 漢書七畧有小說家亦文化之一體降及後世段氏有西陽襍俎郎氏有七修彙稿體助虞初編資譚助今他志亦標有外紀軼事鼓譚諸名名或殊異其旨皆小說之流也茲襍取瑣錄藉於鑒戒有關悉備芻蕘之采

一 修志續議始於民國辛酉以棠承辛澗亡友未撰之業時雖有核定標目竊旁參他志之善者畧與變通加之潮流所趨新事增益難並綜覈今就目前所規定者卽與登載其無關典要及未成事實者暫從闕略又科舉廢裁去教職營制廢裁去武秩以前應載之舉貢及防汎職名槩無檔冊可稽考詢不無缺誤俟後此續修時再爲補正

一 撰輯期限自民國甲子年停後八年重議補編除總分